

tre eamdem naturam, non autem creature: unde & filius non solum primogenitus dicitur, sed etiam unigenitus, propter singularem modum accipendi.

Per hoc autem quod Dominus ad patrem dicit de discipulis, Joan. xvi. 22. *Ut sint unum, sicut & nos unum sumus:* ostenditur quidem quod pater, & filius sunt unum eo modo quo discipulos unum esse oportet, scilicet per amorem. Hic tamen unionis modus non excludit essentiae unitatem, sed magis eam demonstrat: dicitur enim Joannis III. 35. *Pater diligit filium, & omnia dedit in manu ejus:* per quod plenitudo Divinitatis ostenditur esse in filio, ut dictum est.

Sic igitur patet quod testimonia Scripturarum, quae Ariani pro se assumebant, non repugnant veritati quam fides catholica confitetur.

## C A P U T IX.

*Solutio ad auctoritates Photini, & Sabellii.*

**E**X his autem consideratis apparet quod nec ea quae Photinus, & Sabellius pro suis opinionibus ex sacris Scripturis adducebant, eorum errores confirmare possunt.

1. Nam quod Dominus post resurrectionem dicit Matth. ult. 18. *Data est mihi omnis potestas in celo, & in terra:* non ideo dicitur quasi tunc de novo hanc potestatem accepit; sed quia potestas quam filius Dei ab aeterno accepit, in eodem homine facta apparere incepit per victoriam quam de morte habuerat resurgentem.

2. Quod vero Apostolus dicit ad Rom. I. 3. de filio loquens: *Qui factus est ei ex semine, David, manifeste ostenditur qualiter si intelligendum ex eo quod additur, secundum carnem.* Non enim dixit quod filius Dei esset simpliciter factus, sed quod factus esset ex semine David secundum carnem per assumptionem humanae naturae; sicut & Joan. I. 14. dicitur: *Verbum caro factum est.* Unde etiam patet quod hoc quod sequitur: *Qui praedestinatus est filius Dei in virtute, secundum humanam naturam ad filium pertinet.* Quod enim humana natura filio Dei unitur, ut sic homo posset dici filius Dei: non fuit ex humanis meritis, sed ex gratia Dei praedestinantis.

3. Similiter etiam quod idem Apostolus ad Philip. II. 8. dicit quod Deus Christum proper passionis meritum exaltavit, ad humanam naturam referendum est, in qua fuerat humilitas passionis: unde & quod subditur: *Dedit illi nomen quod est super omnem nomen,* ad hoc referendum est quod nomen conveniens filio ex nativitate aeterna, manifestandum esset in fide populorum hoc convenire filio incarnato.

4. Per quod & manifestum est quod id quod dicit Petrus, quod Deus Iesum Christum, & Dominum fecit, ad filium referendum est secundum humanam naturam, in qua incepit id habere ex tempore quod in natura Divinitatis habuit ab aeterno.

Quod etiam Sabellius introducit de unitate Deitatis, Deut. VI. 4. *Audi Israel: Dominus Deus tuus, Deus unus est:* & Deut. XXXII. 39. *Videte quod ego sim solus, & non sit alius Deus praeter me:* scientiae catholicæ Fidei non repugnat, quæ patrem, & filium non duos deos, sed unum Deum esse confitetur, ut dictum est.

Similiter etiam quod dicitur Joan. XIV. 10. *Pater, in me manens, ipse facit opera, & ego in patre, & pater in me est,* non ostendit unitatem personæ, ut volebat Sabellius, sed unitatem essentiae, quam Arius negabat. Si enim esset una persona patris, & filii,

non congrue diceretur pater esse in filio, & filius in parte; cum non dicatur proprie idem suppositum in se ipso esse, sed solum ratione partium: quia enim partes in toto sunt, & quod convenit partibus, solet attribui toti, quandoque dicitur aliquod totum esse in se ipso. Huic autem modus loquendi non compevit in divinis, in quibus partes esse non possunt, ut in primo Lib. cap. XX. ostensum est. Relinquitur igitur, cum pater in filio, & filius in parte esse dicatur, quod pater, & filius non sint idem supposito; sed ex hoc ostenditur quod pater, & filii sit essentia una. Hoc enim positio, manifeste appetit qualiter pater est in filio, & filius in parte. Nam cum pater sit sua essentia, quia in Deo non est aliud esse, & essentiam habens, ut in primo Lib. cap. XXII. est ostensum, relinquitur quod in quocumque sit essentia patris, sit pater; & eadem ratione in quocumque est essentia filii, & filius. Unde cum essentia patris sit in filio, & essentia filii in parte, eo quod una est essentia utriusque, ut fides catholica docet, sequitur manifeste quod pater sit in filio, & filius sit in parte. Et sic eodem verbo & Sabellii, & Arii error confutatur.

## C A P U T X.

*Rationes contra generationem, & processionem divinam.*

**O**MNIBUS igitur diligenter consideratis, manifeste appareat hoc nobis de generatione divina in sacris Scripturis proponi credendum, quod pater, & filius etsi personis distinguantur, sunt tamen unus Deus, & unum habent essentiam, seu naturam. Quia vero à creaturam natura hoc inventur valde remotum, ut aliqua duo supposito distinguantur, & tamen eorum sit una essentia; humana ratio ex creaturam proprietarybus procedens, multiplicem in hoc secreto divinæ generationis patitur difficultatem.

1. Nam cum generatio nobis nota, mutatio quædam sit, cui opponitur corruptio; difficile videatur in Deo generationem ponere, qui est immutabilis, incorruptibilis, & aeternus, ut ex superioribus Lib. I. cap. XIII. & XV. patet.

2. Amplius. Si generatio mutatio est, oportet omne quod generatur, mutabile esse. Quod autem mutatur, exit de potentia in actum: nam motus est actus existens in potentia secundum quod hujusmodi. Si igitur filius Dei est genitus, viderur quod neque aeternus sit, tamquam de potentia in actum exiens; neque verus Deus, ex quo non est actus pater, sed aliquid potentialitatis habens.

3. Adhuc. Genitus naturam accipit à generante. Si ergo filius genitus est à Deo patre, oportet quod naturam quam habet, à patre accepit. Non est autem possibile quod accepit à patre aliam naturam numero quam pater habet, & similem specie, sicut fit in generationibus univocis, ut cum homo generat hominem, & ignis ignem: supra enim ostensum est cap. IX. hujus, & I. Lib. cap. XLII. quod impossibile est esse plures numero deitates. Videatur etiam esse impossibile quod receperit eamdem naturam numero quam pater habet. Quia si recipit partem ejus, sequitur divinam naturam esse divisibilem. Si autem totam, videtur sequi quod natura divina, si sit tota transfusa in filium, designat esse in patre; & sic pater generando corruptitur. Neque iterum potest dici, quod natura divina per quamdam exuberantiam effluat à patre in filium, sicut aqua fontis effluit in rivum, & fons non evacuat: quia natura divi-

na sicut non potest dividiri, ita nec augeri. Videatur ergo reliquum esse quod filius naturam à patre accepit, non eamdem numero, nec specie quam pater habet, sed omnino alterius generis; sicut accidit in generatione æquivoca, ut cum animalia ex putrefactione nata virtute Solis generantur, ad cujus speciem non attingunt. Sequitur ergo quod Dei filius neque verus filius sit, cum non habeat speciem patris; neque verus Deus, cum non recipiat divinam naturam.

8. Præterea. Oportet dicere, quod relatio illa quæ filium distinguit à patre, aut sit res aliqua, aut sit in solo intellectu. Si autem sit res aliqua, non videtur esse illa res quae est divina essentia: quia divina essentia communis est patri, & filio. Erat ergo in filio aliqua res quae non est ejus essentia; & sic non est verus Deus. Ostensum est enim in primo Lib. cap. XXII. quod nihil est in Deo quod non sit sui essentia. Si autem illa relatio sit in intellectu tantum, non potest personaliter distinguere filium à patre: quæ enim personaliter distinguuntur, realiter oportet distinguiri.

9. Item. Omne relativum dependet à suo correlative. Quod autem dependet ab altero, non est verus Deus. Si igitur persona patris, & filii relationibus distinguuntur, neuter erit verus Deus.

10. Adhuc. Si pater est Deus, & filius est Deus, oportet quod hoc nomen *Deus* de patre, & filio substantialiter prædicetur, cum *Divinitas* accidentis esse non possit. Prædicatum autem substantialis est quod vere est ipsum de quo prædicatur: nam cum dicitur, *Homo est animal;* quod vere homo est, animal est; & similiter cum dicitur, *Sortes est homo,* quod vere *Sortes est,* homo est. Ex quo videatur sequi quod impossibile sit ex parte subjectorum inveniri pluralitatem, cum unitas sit ex parte substantialis prædicti. Non enim *Sortes,* & *Plato* sunt unus homo, licet sint unus in humanitate; neque homo, & asinus sunt unus animal, licet sint unus in animali. Si ergo pater, & filius sunt duæ personæ, impossibile videatur quod sint unus Deus.

11. Amplius. Opposita prædicata pluralitatem ostendunt in eo de quo prædicantur. De Deo autem patre, & de Deo filio opposita prædicantur: nam pater est Deus ingeniust, & generans; filius autem est Dens geniust. Non igitur videtur esse possibile quod pater, & filius sint unus Deus.

Hæc igitur, & similiter sunt ex quibus aliqui divinituti mysteria propria ratione metiri volentes, divinæ generationem impugnare nituntur. Sed quia veritas in se ipsa fortis est, & nulla impugnatione convelletur; oportet intendere ad ostendendum quod veritas fidei ratione superari non possit.

12. Amplius. Si pater, & filius sunt duo supposita, sive duæ personæ, & tamen sunt in essentia unum; oportet in eis esse aliquid præter essentiam, per quod distinguuntur: nam essentia communis utriusque ponitur; quod autem commune est, non potest esse distinctionis principium. Oportet igitur id quo distinguuntur pater, & filius, esse aliquid ab essentia divina. Est ergo persona filii composita ex duobus, & similiter persona patris, scilicet ex essentia communis, & ex principio distinguente. Ut igitur est compositus: neuter ergo est verus Deus.

Si quis autem dicat, quod distinguuntur sola ratione, prout unus est pater, alius est filius; quæ autem relative prædicantur, non aliud videtur prædicare in eo de quo dicuntur, sed magis ad aliud; & sic per hoc compositio non inducitur: videatur quod hæc responsio non sit sufficiens ad prædicta inconvenientia vitanda. Nam relatio non potest esse absque aliquo absoluto. In quolibet enim relativo oportet intelligi quod ad se dicitur præter id quod ad aliud dicitur; sicut servis ad aliquid est absolute præter id quod ad dominum dicitur. Relatio igitur illa per quam pater, & filius distinguuntur, oportet quod habeat aliquod absolutum in quo fundetur. Aut igitur illud absolutum est unum tantum; aut sunt duo abso-

(1) *Ali. in unoquoque modo.*